

DISSERTATIO ACADEMICA,  
QUÆ AB AESCHYLO ACCESERUNT MOMENTA  
TRAGOEDIÆ GRÆCÆ SECUNDUM ARI-  
STOTELEM IN LIBRO POËTICES,  
C. IV, EXAMINANS,

QVAM,  
CONSENT. AMPLISS. FACULT. PHILOS. ABOËNSI,  
PUBLICÆ MODESTE SUBJICIUNT CENSURE

ALEXANDER BLOMQVIST,  
*Philosophiae Magister,*

&

GUSTAVUS ADOLPHUS UHLENIUS,  
*Stipendiarius publicus,*  
*Nylandi.*

In Auditorio Philos. die III Maji MDCCXXIII.  
horis ante meridiem confuctis,

---

ABOÆ, typis Frenckellianis.

17  
KETAKAUN TAKHARA CA VITTA S. 100  
S. 100. KETAKAUN TAKHARA CA VITTA S. 100  
KETAKAUN TAKHARA CA VITTA S. 100

18  
KETAKAUN TAKHARA CA VITTA S. 100  
KETAKAUN TAKHARA CA VITTA S. 100  
KETAKAUN TAKHARA CA VITTA S. 100

19  
KETAKAUN TAKHARA CA VITTA S. 100  
KETAKAUN TAKHARA CA VITTA S. 100

20  
KETAKAUN TAKHARA CA VITTA S. 100  
KETAKAUN TAKHARA CA VITTA S. 100

21  
KETAKAUN TAKHARA CA VITTA S. 100  
KETAKAUN TAKHARA CA VITTA S. 100

22  
KETAKAUN TAKHARA CA VITTA S. 100  
KETAKAUN TAKHARA CA VITTA S. 100

23  
KETAKAUN TAKHARA CA VITTA S. 100  
KETAKAUN TAKHARA CA VITTA S. 100

24  
KETAKAUN TAKHARA CA VITTA S. 100  
KETAKAUN TAKHARA CA VITTA S. 100

25  
KETAKAUN TAKHARA CA VITTA S. 100  
KETAKAUN TAKHARA CA VITTA S. 100

26  
KETAKAUN TAKHARA CA VITTA S. 100  
KETAKAUN TAKHARA CA VITTA S. 100



Tragœdiæ patrem jam veteres pronuntiarunt AESCHYLOM 1), quo quidem titulo ipsi perfectioris tragœdiæ tribuerunt originem. Prima enim illius origo tam alte repetenda est 2), ut sperandum non sit, omnes, quas passa est mutationes, omnesque, per quos sensim ad summam pervenit perfectionem,

A

gra-

---

1) PHILOSTR., *vita Apollonii*, L. VI. Αἴνυασι πάτερα μεν τῆς τραγῳδίας αὐτὸν (sc. Aeschylum) ἤγουντο, cfr. QUINTIL. *Inst. Orat.* X. I.

2) PLATO, *de Rep.* X. p. 284, 290 & 307 ed. Bipont., Homerum appellat τῶν τραγικῶν πρωτον διδασκαλον τε καὶ ἡγεμονα, της τραγῳδίας ἡγεμονα & πρωτον τῶν τραγῳδιαποιων, quemadmodum & ARISTOTELES, *Poët.* c. IV. tragœdiam æque ac Comœdiam ab Homero originem ducere contendit. His tamen effatis nihil aliud forsitan voluerunt, nisi epicam poësin, ut antiquissimam, poëseos dramatice matrem haberi debere. ARISTOTELES scilicet ibid. §. 12. dicit Homerum fecisse μητέρα δραματίας, quæ quidem verba, ut opinamur, nemo per dramata vel fabulas explicaverit. Paullo enim post ipse apertius susum declarat sententiam, dicendo, *Iliadem* & *Odysseam* αὐτοῖς τι εχειν (affinitatem vel relationem quandam habere) προς τὰς τραγῳδίας, perinde ac ejusdem *Margitem* προς τὰς κωμῳδίας; atque C. V. II. hæc habet verba: αὶ μεν γαρ εποποιία εχει. ὑπαρχει τῇ τραγῳδίᾳ αἱ δὲ αὐτη, ου πάντας ει τῇ εποποιίᾳ.

gradus umquam, nisi conjecturando, posse definiri. Pro certo tamen statuere possumus, tragœdiam e Choris dithyrambicas, Bacchum ejusque historiam celebrantibus, natales suos ducere 3), quippe quod Chori, qui inde prodierunt Satyrici, carminibus vel fabulis ex tempore factis 4) de hirco certantes inter se, ansam sine dubio dedere non solum ipsius nominis *Tragœdiae* (a τραγεῖος, hircus 5), verum etiam, quia fictas gerebant imitabanturque personas, *Tragœdiae dramaticæ*, cuius certe inventor THESPIS ob histrionem inventum habendus 6). Quemadmodum enim omnis ante THESPIDEM tragœdia fuit lyricalia, cantatione & saltatione constans, ita & veteres, a ΒΟΕΚΗΝΙΟ 7) exscriptæ atque recensitæ, inscriptiones tragœdiam THESPIDE antiquiorem a recentiori in eo potissimum, quod illa quidem histrionibus careret, differre, aperte satis produnt atque innunt. Harum scilicet inscriptionum vetustissima Tragœdi solummodo mentionem facit, quum in duabus reliquis non tantum Tragœdi sine histrionibus, verum etiam Poëtæ tragœdiarum & histriones tragœdiarum junctim nominentur, & quidem eo ordine, ut bene constet, & tragœdiam

3) ARISTOT. L. c. IV. 14.

4) αὐτοσχεδιαστικὴν τραγῳδίαν initio fuisse docet ARIST. ib.

5) Cf. THIERSCH, *Pindarus Werke*. Einleitung, p. 158. GUIL. SCHNEIDER, *de originibus tragœdiæ*, p. 31. ubi testimonia veterum scriptorum pro hac nominis etymologia afferuntur. — Hircum vero choro satyrico victori, boves & tripodes choro dithyrambico, præmii loco datos fuisse docent Schol. ad PIND. *Olymp.* XIII. 25, p. 306. sq. ed. Beckii, & Schol. PLATONIS a THIERSCHIO p. 158 excitatus.

6) Ad hæc & sequentia conferendus est THIERSCH, L. c. p. 150 — 164.

7) *Staatshaushaltung der Athener*, 2. Band, p. 357 — 366.

diam auctoribus carentem, & tragœdiam cum auctoribus (i. e. & lyricam & dramaticam tragœdiam) eadem occasione editas fuisse, quem morem adhuc postquam Græcia in Romanorum venerat potestatem valuisse docet recentissima inscriptio, quippe quæ expressis verbis distinguat inter tragœdiam veterem & novam, atque huic quoque poëtam & histriōnem, illi vero tragœdum modo tribuat.

Incredibile vero nequaquam est, tragœdiam hanc antiquam sive lyricam, quam sibi vindicarunt Dorientes 8), ab EPIGENE Sicyonio, a quo SUIDAS THESPIDEM sextum decimum facit tragicum 9), inventam esse, quum ARION, jam tempore PERIANDRI, dithyrambum Corinthi docuerat 10), atque EPIGENES, testis SUIDA 11), carmina Chori a Baccho ejusque historia averterat ad alias res, acclamante ei eam ob causam populo: *οὐδεν πρός τον Διονυσον*. Quamvis etenim a PLUTARCHO 12) affirmetur, PHRYNICHUM AESCHYLUMQUE huic occasionem dedisse proverbio, tanto tamen minus cum BENTLEIO aliisque dubitare sustinemus, an EPIGENES umquam vixerit, cum præeunte THIERSCHIO statuere conveniat, PHRYNICHUM fuisse primum inter tragicos Atticos, qui Doricis utens ex-

A 2

emplis

8) ARISTOT. L. c. III. 5.

9) Ex aliorum sententia, secundum. SUIDAS in voc. Θεσπίς.

10) HERODOT. I. 23.

11) Sub *οὐδεν πρός τον Διονυσον*, ubi sole clarius patet, ex THIERSCHII conjectura L. c. p. 151, legendum esse: *Ἐπτυγένους του Σικουωνιου ου τραχυώδιαν εσ τον Διονυσον* &c.

12) Sympos. I. I. Opp. T. VIII. p. 428. ed. REISK. cfr. SCHNEID. L. c. p. 49. qui evincere studet, hoc proverbiū ad Thespides ejusque novam inventionem referri debere.

emplis ad alias fabulas se convertisset, Bacchi relinquens historiam. Quod si autem, quod minime credimus, demonstrari posset, EPIGENEM hunc numquam existisse, negari tamen non poterit, existisse Dorianam aliquam tragœdiam, & quidem ante THESPIDIS ætatem; testatur enim HERODOTUS, Sicyonios tragicis choris celebrasse τα παρέα Adrasti 13), cui sententiæ & ARISTOTELES 14), & THEMISTIUS 15) videntur accedere, innuente idem dialecto Dorica in lyricis tragœdiarum partibus særissime obveniente.

THESPIS igitur adhibito histrione tragœdiam invenit dramaticam. Absit tamen, ut quid de ipsius tragœdiis temere statuamus, quum sententiæ de illo ita discrepent, ut quoque dubitetur, & jure quidem, sintne revera ipsius, quæ vulgo ei tribuuntur, quarumque adhuc exstant fragmenta, tragœdiæ 16). Ipsa interea rei natura suadere videtur, antiquam hanc Atticam tragœdiam Iudici vel faltem mixti fuisse argumenti 17), cum primus fuerit PHRYNICHUS, qui lugubrem intulit tragœdiam,

13) L. V. 67. — Multo autem ante Thespiderum id factum esse ostendit contextus.

14) L. c. III. 5.

15) Orat. XXVII. p. 337. ed. Harduin. ap. THIERSCH. p. 151.  
τραγῳδίας μεν εὐρεται Σικουωνοι, τελεσιουργοι δε ΑΤΤΙΚΟΙ πομπαι.

16) Vides. FABRIC. Bibl. Gr. T. I. p. 163. ed. Harles; SCHNEID. I. c. p. 50, sqq., itemque JACOBS in Nachtr. zu Sulzers Theorie 2 Bd. p. 398.

17) JACOBS I. c. p. 396, BENTLEIUS ap. SCHNEID. I. c. p. 47. coll. p. 5. Atque loquitur quoque, ut notis quidem videtur, in tragœdiæ mixti argumenti antiquitatem, qui postea plerumque, usque ad Sophoclis ætatem, obtinuit mos, quo trilogiam tragicam lugubris argumenti comitabatur drama satyricum,

diam, vel τα παθη heroum tragœdiis suis celebrare incepit 18). Si enim vel quibusdam eorum, qui præter PHRYNICHUM memorantur tragicæ poëtæ Attici, PRATINAS, CARCINUS, CHORILUS, THESPIDE posteriores, AESCHYLO priores, immutationes quasdam magis minusve felices debeat tragica ars, cave tamen certi quid de iis statuas, cum ex iis, quæ adhuc exstant, fragmentis brevibus & paucis, ne quidem, quale fuerit ingenium eorum dramaticum qualisve œconomia conjicere datur. Qualiacumque vero fuerint deperdita eorum opera, pro certo tamen habemus, ea non nisi tragicæ artis rudimenta fuisse, quia, uno tantum histrione in scenam prodeunte, nullus fere actioni, quæ tamen præcipuam constituit dramatis partem, locus fuit 19). Vere igitur dicit QUINTILIANUS: 20) *tragædias primum in lucem Aeschylus protulit.* Quamvis enim ante ejus ætatem non defuere, qui tragicæ conscribendis dedere operam, tanta tamen tragicæ arti attulit incrementa, ut merito veræ perfectiorisque tragœdiæ auctor & pater possit appellari.

Quæ vero ab AESCHYLO accesserunt tragœdiæ Græcæ, paucis enumerat ARISTOTELES in libro Poëticas, Cap. IV. §. 16. Sed huic loco explicando, quamvis multi interpres operam dederint intentam, tantum tamen abest ut ad liquidum rem perduxerint, ut potius in diversissimas abierint sententias, sensumque eidem haud raro subjecerint tam acuto Philosopho, tamque diligente scriptore indignissimum. Quæ cum ita sint, quumque Philosophi verba non tantis nostro judicio obsita sint

18) PLUTARCH I, c. — Aeschylus hoc tribuere videtur JACOBS. I, c. p. 402.

19) Qu'est-ce que des drames où il n'y avait qu'un personnage ? jure querit LA HARPE. Cours de litt. C. V. f. 2,

20) Inst. or. X. I,

sint difficultatibus, quantas in iisdem offendere sibi visi sunt commentatores; operæ pretium duximus, speciminis Academicī loco, eadem accuratiū examinare, prolatisque & percensitīs aliorum, quæ potissimum speciem quandam præ se ferunt, explicationibus, nostram de hoc loco qualecumque sententiam doctiorum benigno permettere judicio; excusationem de cetero sperantes, & imbecillarum virium, &, qua heic laboramus, subsidiorum penuriæ.

---

Merita AESCHYLI circa tragœdiā ARISTOTELES, libro locoque jam laudato, hisce breviter exponit: *καὶ τὸ τῶν ὑποκριτῶν πλῆθος εἰς ἔρος εἰς δύο πρώτος Αἰσχύλος ηγάγε, καὶ τὰ του χορού ηλαττώσε, καὶ τον λογον πρωταγωνιστην παρεσκευασε,* quæ sic latine reddit GODOFR HERMANNUS: "Ac numerum histrionum ab uno ad duos primus Aelchylus adduxit, & Chori carmina minuit, & primarum partium actorem instituit." Tria igitur declarat ARISTOTELES ab AESCHYLO accessisse tragœdiæ, quorum quidem duo priora, sc. quod *τὸ τῶν ὑποκριτῶν πλῆθος εἰς ἔρος εἰς δύο πρώτος ηγάγε, & τὰ του χορού ηλαττώσε,* planiora videntur, quam ut dubitationem movere possint. Recentissimæ tamen, quæ nobis innotuerunt, GENELLII 21) & SCHNEIDERI 22) interpretationes, ejusmodi sunt, ut pauca ad easdem vel ulterius explicandas vel refutandas afferre e re nostra ducamus. Quod vero tertio loco de AESCHYLO affirmat ARISTOTELES: *καὶ τον λογον πρωταγωνιστην παρεσκευασε,* quo magis celebratum est acutissimorum doctissimorumque criticorum

---

21) In libro: *Das Theater zu Athen, hinsichtlich auf Architektur, Scenerie und Darstellungskunst überhaupt.* Berlin u. Lpz. 1818.

22) L. c. de *Originibus tragœdiæ.* Vratislavia, 1817.

ticorum eidem impensa opera, tanto majori quoque cura nobis tractandum, ne quid, vel incuria, vel de industria, quod ad rem faciat quodque præsto sit videamur neglexisse.

THESPIDIS tragœdias ab uno auctore actas fuisse, æque notum est, ac omnium ore tritum, secundi actoris in scenam introductionem, ARISTOTELIS auctoritate, deberi AESCHYLO. Aliter vero censet GENELLI, cuius hæc verba: "Es sieht mit der Angabe, erst Aeschylus habe zwei Interlocutoren eingeführt, und dann Sophocles den dritten, höchst verdächtig aus. In den Stücken des ersten finden sich häufig nicht nur mehr als zwei Theilnehmer am Gespräche, sondern auch der Chor mischt sich noch in dasselbe, wo er dann in der Sprache der Bühne der vierte Interlocutor hieß: daß also jene Aussage höchstens dahin zu deuten wäre, daß etwa erst Aeschylus es anständiger gefunden, nie mehr als zwei Personen zu gleicher Zeit sich unterreden zu lassen" 23). Verum quidem est, in *Choephoris* & *Eumenidibus* tres simul in scena obvenire actores inter se colloquium instituentes; quod tamen non ita ab AESCHYLO ipso, sed ab EUPHORIONE & BIONE filiis ipsius, quibus, post mortem patris, mandatum fuerit illius exhibere fabulas, constitutum fuisse, tertiumque adeo interlocutorem mutationi ab iis factæ deberi, suspicatur NASTIUS 24). Non tamen videmus, quo jure tale quid conjicere potuerit. E QUINTILIANO saltem, qui de AESCHYLO hæc habet: "Sublimis & gravis & grandiloquus saepe usque ad vitium; sed ruidis in plerisque & incompositus, propter quod correctas ejus fabulas in certamen deferre posterioribus poëtis Athenienses permisere," &c. 25) id colligere non licet; nihil namque aliud dicit,

23) l. c. p. 17.

24) cfr. FABR. *Bibl. Gr.* T. II. p. 166. ed. HARLES,

25) *Inst. or.* X, I.

dicit, quam μεγαλοφωνιαν 26) illam AESCHYLO objectam, posteriorum poëtarum cura correctam fuisse, non vero aliquid de œconomia dramatis vel numero personarum mutatum fuisse. Neque SUIDAS, qui EUPHORIONIS, AESCHYLI filii, mentionem facit, quidquam pro hac sententia profert; dicit enim solummodo, EUPHORIONEM, patris nondum ante editis tragœdiis, quater vicisse, & ipsum quoque tragœdias scripsisse. Aptiorum itaque rei præbet solutionem BARTHELEMY 27), qui contendit AESCHYLUM hoc fecisse ad exemplum SOPHOCLIS. Constat scilicet, *Orestiam* quoque trilogiam LXXX demum Olympiade editam fuisse, SOPHOCLEM vero jam anno secundo Olympiadis LXXVII AESCHYLUM vicisse 28).

Quod si vero tertium actorem, ubicumque eum in AESCHYLI tragœdiis invenerimus, aliorum mutatione insertum esse vel ad aliorum exemplum adhibitum, statuere minus convenient, nihil tamen impedit, quominus AESCHYLUS secundum actorem in scenam primus introducere potuerit. Facillimus enim fuit ipsi ad tertium actorem addendum transitus, cum primum invexisset alterum. Neque omnino si excepéris *Perfassas*, & forsan *Supplices* 29), in quinque reliquis tragœdiis non

26) Vides. FABR. *Bibl. Gr.* T. II. p. 168.

27) *Voy. d. j. Anacharsis*, c. 69. *Vie d'Eschyle*.

28) CASAUBONUS *de poësi Satyr.* p. 130. sq. MEURSIUS *de Tragœd.* *Aesch.* in Tom. X. *Antiquitt. Gr.* CRONOVI; FABR. *Bibl. Gr.* T. II. p. 175, sqq. p. 194 Erratum vero manifestum est. p. 175, ubi trilogia *Orestia Olymp.* LXX. anno 2. edita dicitur, quod quidem optime patet e pag. 165. ubi hæc habes: "Primum tragedia vicit (sc. Aeschylus) — Archonte Philocrate Olymp. LXXIII. an. 3."

29) Ad hanc tragœdiam quod attinet, quid in hac parte scrupulum moveat, paulo infra afferemus.

non poteris plures duobus actoribus agnoscere. Sic, in prima *Promethei vindicta* scena, Κρατος & Ἡφαιστος colloquium initiantes sine dubio diversi fuerunt actores ab illo, qui post eorum discessum Promethei personam sustinens monologiam habuit. Pariter quoque in *Septem adv. Thebas*, & quidem scena penultima, ubi ad Antigonem Ismenenque sermocinantes accedit praeco, tribus item opus erat actoribus; quod idem valet de *Agamemnonis* scena X, ubi simul adfunt in scena Agamemnon, Clytaemnestra & Casandra. Idem fere suspicari licet de *Supplicibus*. Vix enim expulso a Rege praecone Aegyptiadum, adeat Danaus; unde tanto majori jure auguramur, haud eundem actorem potuisse Danaum praeconenique representare, quod vix tam subito totum habitum mutare potuisset, veteresque, ut bene notum est, cultus servandi erant studiosissimi. Accedit alia ratio, quae quasi cogebat ad tertium actorem adhibendum. Ubi enim plures personae a duobus tantum actoribus agendae erant, facillime accidere potuit, ut una eademque persona, in eadem tragedia, a diversis sustineretur histrionibus, ad quod vero incommodum evitandum nulla promptior semet offerre potuit via, quam introductio tertii actoris. Neque omnino est ut quisquam objiciat, veteres tragicos de industria dramata sua ita constituisse, ut nulla exstare posset perturbatio; duxisset enim eos hoc studium recta via ad tertium actorem inveniendum. Praeterea, ne simplicitas quidem antiquae tragediae sufficit ad nostram sententiam infringendam; facillime enim, in tragedia ejusdem simplicitatis & cum totidem personis atque Aeschylea *Supplices*, talis personarum irreperere potuisset perturbatio.

Ex allatis ergo prodire putamus, neque adesse rationem, cur non interpretanda sint verba ARISTOTELIS, quo vulgo accipiuntur sensu, sc. AESCHYLOM fuisse primum, qui duos adhibuerit histriones, neque tamen eadem ita esse adstringenda,

quemadmodum SCHNEIDERUS aliique, qui nullibi in illius tragœdiis tertium agnoscunt actorem, velle videntur, cujusque rei gravissimum excitant testem ipsum ARISTOTELEM, paulo post de SOPHOCLE prædicantem, ab illo factam esse tertii actoris institutionem. Hoc vero effatum, quamvis totam rem nostram videatur infringere, aliam tamen, nobis faventem, non respuit interpretationem. Agit nempe Philosophus de tragœdia qualis eslet in scena præcipue, non vero de apparatibus extra scenam; quare etiam hoc loco non de numero histrionum, quos tragicus quisque poëta paratos habebat ad tragœdiam edendam, loquitur, sed de numero actorum, qui in scenam prodirent ibique agerent loquerenturque 30). Saltem in quavis Sophoclearum tragœdiarum videmus, non tantum tres simul actores prodire, sed etiam colloquium mutuum instituere, quum e contrario apud AESCHYLOM, quamvis plures duobus prodeant, non nisi duo loquantur, tertius vero semper, dum hi adsunt, fileat. De *Choephoris* tamen & *Eumenidibus* hoc non valere jam antea observavimus, ut & causam illius rei, nobis saltem probabilem, attulimus.

Indicavit igitur, ut nobis quidem persuasum habemus, ARISTOTELES verbis citatis, AESCHYLOM fuisse primum, qui duos simul actores in scena loqui fecerat, quum antea forsitan duo prodierint, alter vero horum silentium semper servaverit 31). Quod, quamvis, si ex nostris moribus rem judeca-

30) Vix alio respectu merebatur histrio nomen ὑποκριτου, saltem ex etymologia EUSTATHII, qui ad II. H. 407. docet, Homerum non novisse formam αποκριασθαι, verum illius loco usum fuisse τῷ ὑποκριασθαι. Addit: Φασι δε καὶ τὸν παρὰ τοῖς δραματικοῖς ὑποκριτὴν εὑρεσθαι, δια τὸ πρός τον χορὸν αποκρινεσθαι.

31) Sic KANNEGIESSER, alte komische Bühne in Athen, p. 91. Die Zwey Personen, welche Phrynicus einführte, von denen jedoch nur eine sprach,

dicamus, valde absonum sit, minus tamen mirum videbitur, si consideraverimus, apud Græcos, quemadmodum apud reliquas nationes, omnes immutationes, ut consuetudini contrarias, tardius progressas fuisse, auctoresque tragicos præterea non solum quod ad præmium, verum etiam quod ad ipsam fabularum repræsentationem peperdisse a religione, populo ejusque ducibus 32).

Patet vero & hinc quam inconsiderate GENELLI 33) dicat, AESCHYLOM fuisse primum, qui duceret idoneum, ut duo tantum simul loquerentur, quasi jam antea solitum fuisset, ut plures simul verba facerent; hoc enim pauci, tertii actoris in-

B 2 tro-

machten den Uebergang zu dem eigentlichen Dialog des Aeschylus. Neque huic rei contrarium continet, quod de Aeschylō profert PHILOSTR. I. c. *καὶ τὰς τῶν ὑπερέπτων αὐτιλεξίς εὐγε.* — Hinc quoque aliquid forsitan lucis petendum in diluenda reprehensione Aeschylō facta ob introductiōnē personarū, per multas scēnas mutarū, e quibus nominantur *Achilles* post mortem amici, & *Niobe* post liberorum cædem (ARISTOPHAN. *Ran.* 942. ibique Schol., *Vita Aeschylī*, p. I. ed. Victorii). Tertiam scilicet uerque forsitan referebat personam, cui non conveniebat ex theoria illius temporis in scena loqui, cuius rei Scholiastes vel immemor, vel ignarus, Aeschylō vitio vertit, quod revera vitium non erat. Aliam, neque eam spernendam, attulit BARTHELEMY (I. c.) hujus rei rationem: S'il avait mis des larmes dans leurs yeux, & des plaintes dans leurs bouches, aurait-il produit un aussi terrible effet, que par ce voile, ce silence et cet abandon à la douleur?

32) Lubet hic afferre verba P. KANNEGIESSERI, I. c. Man erstaunt über die Behutsamkeit, mit der die Dichter, streng an das gottesdienstliche Herkommen gebunden, leise, kaum merkliche Veränderungen vornehmen, in einer Sache, in der uns ein Sprung nicht gewagt, sondern natürlich und unbedeutend erscheint.

33) L. c. p. 17.

troductione, quam SOPHOCLI tribuit ARISTOTELES, non ad melius quiddam procesisset ars, sed regresa esset ad abusum pristinum.

Minor vero est interpretum discrepantia in altero merito, quod, qua tragœdia mutationem ab AESCHYLO factam, his verbis expressit ARISTOTELES: καὶ τὰ τοῦ Χοροῦ ηλαττώσ. Conveniunt enim plerique cum HERMANNO ita interpretante: chori carmina minuit. Observavit vero SCHNEIDERUS 34), latiori sensu hæc verba accipi debere, sc. AESCHYLUM, & negotium chori, quod in cantatione & saltatione consistebat, & numerum minuisse. Neque omnino, ex ipsis verbis talem sensum elici posse, negamus: verum dubitamus utique, an ARISTOTELES id de AESCHYLO prædicare voluerit. Notissimum enim est, chororum Eumenidum e quinquaginta personis constitutum, spectatoribus tantum injecisse terrorem tantumque danni attulisse, ut magistratus Atheniensium necesse haberent vetare, ne postea amplius quindecim hominibus constaret chorus 35). Quod, si, ut videtur, verum est, patet omnino, diminutionem Chori AESCHYLO quodammodo tribui posse, quippe quod ejusmodi legis ferendæ præbuit occasionem, vix autem in commodis, quæ ab ipso accesserint tragœdiæ, habendum esse, quod tamen & contextus & ipsa verba innuunt ARISTOTELEM intellexisse. Neque veri est simile, ARISTOTELEM potuisse talem chori diminutionem tragœdiæ emolumen-tis adnumerare. Quid enim refert naturam interiorem tragœ-diarum,

34) L. c. p. 98.

35) POLLUX, *Onomast.* IV. 15. *Vita Aeschyli* l. c. — Addubitat tamen GENELLI, l. c. p. 137, an chorus tragicus unquam confitebitur 50 hominibus, quia iste numerus æqualiter trifariam dividit nequit. Pro necessitate vero ejusmodi tripartitionis nullum effert verum testimonium. cfr. TRIERSCH, l. c. p. 106.

dix, utrum chorus quinquaginta an quindecim hominibus constet, quia semper pro una persona habebatur, semperque omnes unum idemque agebant, quotquot essent? 36) Potuerunt nihilominus partes chori ejusdem esse ambitus, & quod ad cantum & quod ad saltationem. Verum diminutio ipsorum carminum, & quoque saltationis, commodum necessario attulit maximum. Hac enim re factum est, ut animus a canticis ac saltationibus traheretur versus id, quod caput erat rei, sc. poësin & actionem scenicorum, i. e. ipsam fabulam 37).

Aggredimur jam verba, quibus tertium tragœdiae emolumenatum, ab AESCHYLO profectum, exhibetur: *καὶ τὸν λογοτρόπωταγωνιστὴν παρεσκευάστε*, in quibus vero explicandis mirum quantum inter se disident interpres. Fuerunt namque, qui his verbis indicatum vellent, ab AESCHYLO prologos institutos fuisse, inter quos MADIUM nominavit SCHNEIDERUS 38), CURTIUM & BATTEUSIUM, HARLES 39), qui & ipse vertendo: "orationem primarum partium, i. e. prologi ipsius ad aperiendam rem, instituit", eandem amplexus est sententiam. Hunc vero sensum haud facile, ut nobis quidem videtur, eruet quisquam, si tritisimam prologi notionem retinere voluerit. Atque vel primus *adspexitus Aeschylī tragœdiarum eos ab hac inter.*

36) ARISTOT. *de Poët.* XVIII. 21. — A. W. v. SCHLEGEL, *Vorl. üb. dram. Kunst u. Litt.*, I. Bd. p. 139. sq. (Ed. Upf.), coll. BLÜMNER über die Idee des Schicksals in den Tragödien des Aischylos. p. 99.

37) Apte ad hunc locum LA HARPE, l. c. ch. 5. On fait que les choeurs étaient chez les Grecs des morceaux de Poësie lyrique, souvent fort beaux, qui tenaient à leur système dramatique, mais qui ne servaient de rien à l'action, quelquefois même la gênaient.

38) l. c. p. 101.

39) in edit. *Poët. Aristot.* p. 37.

interpretatione detinere debuisse, quia in nulla earum videamus prologos, quales in unaquaque fere habet EURIPIDES; & ne ejusmodi quidem prologi vestigium ad rem aperiendam invenies nisi in saepius memoratis *Perfis* & *Supplicibus*, in quibus quoque ita rem tractavit Poëta, ut frigidum, uniforme & profaicum fere dicendi genus, in prologis Euripidis ubique ad tedium usque obveniens 40), omnino effugeret; quare neque est quod credas Philosophum tale quid indicare voluisse. Et quamvis non satis clare distinxerit HARLES, quales prologos h. l. intelligat, conjicimus tamen ex paraphratica capitinis XII. versione cum hoc nostro loco collata, eum eodem, quo ARISTOTELES ipse, c. XII. §. 4, sensu voc. *Prologos summisce*, sc. ut sit μέρος ὅλου τραγῳδίας τὸ πρό χοροῦ παρόδου, cujusque generis prologi in omnibus AESCHYLI tragediis, exceptis *Supplicibus* & *Perfis* inveniuntur 41). Philolophum vero heic tales in animo habuisse prologos, quamquam e verbis λογον πρωταγωνιστην sensum tali interpretationi faventem extorquere forsitan positis, haud facile evinces, praesertim quum e THEMISTIO 42), ut videtur, colligere liceat, ARISTOTELLEM 43) tribuisse THESPIDI ejusmodi prologi inventionem.

Ad

40) cfr. A. W. v. SCHLEGEL, I. c. I. Bd. p. 187 sq.

41) Quæ vero fuerit MADII, CURTI & BATTEUSII sententia tanto minus accurate definire valemus, quod eorum hic facientia opera, frustra heic quæsita, consulere nobis haud licuit.

42) Orat. XXVI. p. 316. . . οὐ προσεχόμεν Αριστοτελεῖ, στὶ τὸ μὲν πρωτον ὁ χορος εἰσιων ἦν τούς θεούς Θεσπίς δὲ προσλογον τε καὶ ἔνσιν εξευρεῖ.

43) Forsitan in illis majoribus libris, quos de Poëtica conscripsisse ARISTOTELLEM compemus.

Ad HERMANNI 44) deinde, jam supra allatam, versionem examinandam nosmet conferimus. Putat vero hic, verbis ARISTOTELIS intelligi actorem primarum partium, sive primarium actorem scenicum, qui & prodibit sensus, si  $\lambda\sigma\gamma\epsilon\nu$  πρωταγωνιστην pro  $\lambda\sigma\gamma\epsilon\nu$  πρωταγωνιστον positum accipimus 45), ut sit idem, quod Svetice dicimus: *förfle actören roll*. Quod si tamen hunc primarum partium actorem ita definiamus, ut sit is, qui difficillimam seu gravissimam personam (*svåraste, vigtigaste rollen*) sustineat, vel, quod eodem redit, ut sit πρωταγωνιστης ille histrio, qui primus est in sua arte, adeoque ad difficiliores personas sustinendas aptissimus, absurdum quid aperte statuisse Philosophus, AESCHYLI eam esse inventionem vel ab eo præparatam narrans 46). Si vero, quod forsan voluit HERMANNUS, primariam personam in tragœdia, i. e. heroëm quem vocant dramatis, his verbis denotarit, tunc quoque, vel nihil dixisse, vel tragœdias AESCHYLI minus diligenter inspexisse censendus fuerit. Simulac enim plures adsunt personæ, partes eorum necessario aut æqualiter, i. e. ita, ut omnes personæ ejusdem sint momenti ad nodum fabulæ-solvendum, aut inæqualiter distributæ sunt. Si æqualiter, nulla adest primaria persona, si inæqualiter, adest omnino. Verum hæc inæqualitas personarum, jam in tragœdiis Aeschyllo prioribus, unico actore editis, si modo easdem plurium personarum fabulis constitisse urgeas, exsistere & potuit & debuit. Ipsi enim rei natura statuere nos cogit, in tragœdiis, quæ viri vel femi-

44) Cum HERMANNO faciunt EICHSTAEDT, &c. a SCHNEIDERO, l. e. p. 101. citati.

45) Exempla similis loquendi formæ, vides, MATTHIE, Gr. Gr. §. 433. Anm. 4. & §. 309. p. 428.

46) Ad hæc & seqq. cfr. GRAFFENH. in comment. ad ARIST. Poët. p. 52, sq.

feminæ cujusdam illustris nomine insignitæ erant, quales memorantur ACTÆON, ALCESTIS PHRYNICHUS, cet. hunc virum vel hanc feminam primarias sustinuisse partes. Si vero, ut nobis quidem verissimum videtur, cujusque rei infra indicabimus rationes, tragœdiæ istæ antiquiores fabellis tantum, nullo inter se vinculo connexis, constabant, neque, ex altera parte, mirum est, si nulla in iisdem primaria persona exstiterit, neque adeo, ex altera parte, probabile hocce ARISTOTELIS loco innui primariam talem personam, quæ secundi demum actoris introductione locum habere potuit, & tamen ne in omnibus quidem adhuc superstitibus AESCHYLI tragœdiis obvenit, nisi, in *Supplicibus* & *Eumenidibus*, ubi ita distributæ sunt partes, ut pro certo statuere non possis, quænam jure appellanda sit primaria persona, choro primas partes tribuere volueris. Quod si autem HERMANNUS actorem, qui ita primas tragœdiae teneret partes, ut fabulam inciperet antequam chorus orkestram intraverat, spectaverit (quem & sensum verba ejus admittere posse videntur), eodem redit hæc interpretatio, quo HARLESHI supra a nobis recensita sententia, cui ergo ultrius non immorabitur.

Venimus denique ad explicationem summa arte excogitatem SCHNEIDERI, qui quidem ad rem illustrandam hæc fere assert 47). Omnis actio constat ex duabus partibus, quarum altera est agens, altera ea, quæ aliquid patitur. Jam si actio hominibus repræsentari debet, duæ requiruntur personæ, quarum altera ab altera patitur aliquid, eaque hæc patiens in tragœdia sustinet λογον πρωταγωνιστην. Omnes autem personæ, pergit, quæ sub eadem sunt conditione, qua premitur primaria illa persona, pertinent ad λογον πρωταγωνιστην, quum contra illæ, quæ ab altera parte stant, ad λογον δευτεραγωνιστην

refe-

referendæ sunt. Studet denique exemplis evincere, etiam in tragœdiis, uno tantum auctore, si modo plures agebat personas, exhibitis, talem λογον πρωταγωνιστην locum habere potuisse, quamvis nulla existet tragœdia hoc modo conscripta; atque ubi duo auctores simul duas gerebant personas eundem desiderari posse, cuius rei exemplum AESCHYLI *Persas* profert, ubi pars altera eaque patiens sc. Persæ obvenit, altera vero pars agens sc. Græci deest 48). Ad hæc vero omnia quærere liceat, unde talem explicationem sumferit, vel qua ratione ex ARISTOTELIS verbis ejusmodi sensum hauserit? Nulla enim interpretationis suæ argumenta affert; neque ARISTOTELES, quantum nos quidem novimus, uspiam τον λογον δευτεραγωνιστου mentionem facit. Præterea, si inventio hæc, ut certe voluit ARISTOTELES, præcipuum quid est, ubinam existit λογος πρωταγωνιστης in SOPHOCLIS *Oedipo tyranno*, quem tamen ARISTOTELI perquam probatum novimus? 49) Adestit nempe hic altera pars, patiens sc., Oedipus & Jocasta, altera vero pars, agens, desideratur. Quod enim mali iis accidit, patiuntur a fato vel a semetipsis. In *Septem adv. Thebas* vero nullus adeslet πρωταγωνιστης, nisi illius partes cho-ro tribuas. Ex hac item ipsa theoria, in *Choephoris* AESCHYLI, *Electra* SOPHOCLIS & EURIPIDIS, Clytaenæstra & Aegisthus, πρωταγωνιστæ esent, quod tamen ineptissimum videtur. Qui-nam vero in *Hecuba*, *Phoenissis*, *Medea*, *Hippolyto*, *Herc. fu-rente*, cet. EURIPIDIS pertinent ad λογον πρωταγωνιστην? pa-tiun-

## C

48) GRÆFENHAN, l. c. videtur non recte perspexisse SCHNEIDERI sen-tentiā de AESCHYLI *Persis*, dicit enim eum contendere, "in hac tragœdia adesit λογον δευτεραγωνιστην, non etiam λογον πρωτα-γωνιστην," quod tamen apud SCHNEIDERUM frustra quæsieris.

49) Vides, Poët. XI. 5, XIV. 2, XVI. 14, & plura loca ubi ex hac tragœdia exempla sua petit.

tiuntur enim harum omnium tragœdiarum personæ mutuis vel alternis afflictionibus, neque una alterave pars actionis *νατ'* εξχν patiens vocari potest. Si, e recentioribus, SHAKESPEARII solummodo tragœdiam *Macbeth* respexerimus, Regemque Duncan & Banquo, quia morte a Macbeth afficiuntur, ad λογον πρωταγωνιστην retulerimus, quorsum ipse Macbeth, qui paullo post, hostibus poenias ab eo exposcentibus, succumbit, referendus?

Quum ergo ne SCHNEIDERI quidem interpretatione melius quam Hermanniana consultum sit genuino verborum Philosophi sensui, omnisque præterea, nostra ex sententia, illorum inde videtur ortus error, quod πρωταγωνιστην habuerunt pro epitheto vocabuli λογον, atque per appositionem ut dicunt explicatum voluerunt, prohibentibus quamvis id, ut recte monet GRÆFENHANUS 50), & articulo & ipso verborum ordine, quia alias legendum esset, aut: τον πρωταγωνιστην λογον aut: λογον πρωταγωνιστην, omiso articulo, nulli dubitamus, quin unice rectum sit, πρωταγωνιστην prædicati loco positum statuere, ita ut dicat ARISTOTELES: τον λογον AESCHYLUS reddidit πρωταγωνιστην, i. e. τω λογω tribuit primas partes. Verum & hoc pacto duplēm hujus loci, pro dupli, quam heic obtinere posse putamus, vocis λογου vi, prodire existimamus (præter HARLESI supra memoratam) interpretationem, quam ergo utramque, rationibus, quibus quæque semet commendat, munitam in medium proferemus, & quænam nobis optima videtur indicabimus.

Altera harum explicationum hæc fere est: *Aeschylus tribuit orationi, sive simplici dictioni primas partes* 51). Opponere-

50) l. c. p. 53.

51) Haud multum dissentiunt TWINING & BUHLE, vertentes: *tribuit dialogo partes primas in dramate*. Vid. GRÆFENH. l. c. p. 53.

neretur hoc modo ὁ λόγος chori carminibus, significaretque formam orationis simplicis, vel metra sine cantu recitanda 52), quibus potiorem in suis tragœdiis locum dedit AESCHYLUS. Jambici scilicet versus, quorum in tragœdia frequentiorem usum ipsi deberi inter plurimos convenit, fere ubique apud eum exsuperant numerum ceterorum 53), hisque potissimum convenit ut designentur vocabulo λόγος; dicit enim Aristoteles paulo post 54): λεξεως γενομενης αυτη η Φυσις το οικεον μετρου ενη, μαλιστα γαρ λεκτινον των μετρων το ιαμβειον εστι. σημειον δε τουτον. πλειστα γαρ ιαμβεια λεγομεν εγ τη διαλεκτω τη προσ αλληλους, quod idem repetit duobus aliis locis 55). Multo autem verisimilius evadet haec interpretatio, si meminerimus, ne omnes quidem reliquos versus, præter jambicos, cantatos fuisse, sed partim ex argumento, partim ex dialecto, partim ex metro dignosci posse, quinam canendi esent, qui vero sine cantu recitandi 56). Quamvis etenim haudquaquam

C 2

igno-

52) Sic quoque Problem. XIX. 31. ARISTOTELES opponit τα μελη τοις μετροις.

53) In Supplicibus tamen minor est eorum numerus, quod mirum videri non potest, quia chorus πρωταγωνιστην facit. De usu autem jamborum in tragedia, Aeschylī opera frequentiori, vides. HERMANNUM in Comment. p. 109.

54) Cap. IV. 18.

55) Rhetor. II. 1. ἔτερα λογου (prosæ orationis) και ποιησεως λεξις εστι - - - ει γαρ των τετραμετρων εις το ιαμβειον μετεβησαν (Tragici sc.) δια το τω λογω τουτο των μετρων σύμοιστατου εναι των αλλων; & ibidem c. 8. ο δε ιαμβος αυτη εστιν η λεξις η των πολλων, διο μαλιστα παντων των μετρων ιαμβεια φθεγγονται λεγοντες. cfr. Poët. XX. 19.

56) In hanc rem cfr. HERM, Comment. p. 132. sqq.

ignoremus, existisse qui contendebant, tragœdias Græcorum totas quantas fuisse cantatas, versusque, quos supra indicavimus sine cantu recitatos, eodem modo pronuntiatis fuisse, atque in dramatibus nostri temporis, *operae* nomine notis, partes, quæ *recitativa* appellantur 57); scire tamen vellemus, quid recitativum proprie sit nisi *cantus*? Neque nobis persuadere possumus, omnes, ex. gr. jambicos trimetros, ut *recitativa* declamata fuisse, prohibente id sèpissime argumento; quid enim magis ridiculum, quam si longæ èdemque frigidæ nuntiorum narrationes in Euripidis fabulis tali modo recitatæ fuerint? 58) Multo magis hic modus recitandi convenit versibus illis anapæsticis, qui systematibus antistrophicis non comprehensi sunt, ideoque, ex HERMANNUS sententia, non cantabantur. Objici quidem potest, Homericæ quoque carmina decantata fuisse, quod tamen HERMANNUS non sine exceptione admittit 59), neque umquam admitti potest. Meminisse præterea oportet, non omnia, quæ de Rhapsodis hoc respectu valent, etiam de tragœdia valere, maximique momenti ad hanc rem disceptandam sine dubio esse ipsum ARISTOTELEM in lo-

co

57) Sic ex. gr. GENELLI, l. c. p. 105. hunc in modum dicitat: "Es ist ausser allem Zweifel, dass die attische Tragödie in der Aufführung durchaus gesungen und getanzt, wurde." Et rursus p. 132. "Der tragische Vortrag zerfällt in Dialog und in Gesang verschiedener Art. Der Dialog wurde doch nicht darum schlechthin gesprochen, sondern obwohl nicht förmlicher Gesang, blieb er doch durchweg melisch." — Cfr. RAMBACH, *Zuf. zu Potter*, III. Bd. pag. 669.

58) Multum hue facit LUCIANUS *de saltatione*, l. 27, quippe qui auctori tragico vitio verit, si ἔαυτον αὐτακλῶν καὶ κατακλῶν εὐιότε περιάδες τὰ μυθεῖσα; unde quomodo HERMANNUS, l. c. p. 136. eruerit, quosdam trimetros jambicos cani solitos fuisse, miramur.

59) l. c. p. 141.

eo supra allato, ubi jambicos versus, οἰκεῖον τῆς λέξεως μέτρων & μαλισταὶ λεκτικοὺς appellat, adjicitque: πλεισταὶ γὰρ ταῦται λεγομένη εὐ τῇ διάλεκτῷ τῇ πρὸς ἀλληλους, & alio loco 60), ubi τῷ λόγῳ τούτῳ τῶν μέτρων ὄμοιοτάτον εἶναι dicit. Qua vero in re alia hæc similitudo constiterit, nili in modo recitandi? 61) Nihilo secius tamen est concedendum, declamationem metrici sermonis necessario ipsa sua natura evadere quodammodo melicam, multum tamen differre a cantu 62).

Quod si cui hæc interpretatio placuerit, tanto minus adversabimur, quod ingenue fatendum est, eandem nobis quoque primo quam maxime arrisisse. Rem tamen accuratius jam penitantes, non dubitamus, quin altera, quam GRÆFENHANUS 63) quoque amplecti videtur, veri adhuc similior sit horum verborum explicatio: *Fabulae tribuit primas partes in tragœdia.* Aristoteles quidem plerumque vocabulo μυθος exprimit, quod latine dicitur *fabula*; verum, præterquam quod EUSTATHIUS 64) observet, distinctionem inter vocabula μυθος & λόγος

60) *Rhetor.* II. f. 1.

61) Hæc tamen cave ita intelliges, quasi contenderemus, nullos versus jambicos cantatos fuisse; id enim factum esse docet PLUTARCHUS (*de Musica*, p. 681. ed. Reiske. εἴ τι δὲ τῶν ταῦται λεγομένων, τα ταῦτα μεν λεγοσθαι πάρα την κρουσιν, τα δὲ αὔτεσθαι, Αρχιλοχον Φασι καταδεῖξαι, εἴ τι δέ τοι χρηστασθαι τους τραγικοὺς ποιητας), accuratiusque explicat HERM. in *Comment.* p. 137. sqq.

62) In hanc rem cfr. ENGEL, *Ideen zu einer Mimik*, 2 Th. p. 97.

63) 1. c. p. 53. Neque multum abhorret JACOBS in *Nachtr. zu Sulzers Theorie*, 2. Bd. p. 403. hunc nostrum locum ita explicans: "Durch unsern Dichter kam die Handlung zu dem ihr gebührenden Recht."

64) Ad II. I. p. 22.

& λογος posterioribus demum temporibus deberi, antiquissimique Græcorum historici, prout fabularum captatores, & μυθογεραφοι & λογογεραφοι appellati sint 65), ARISTOTELES ipse, cap. V. §. 6. 66), ubi de ortu progresuque comediae loquitur, λογος & μυθος pro synonymis habet. Sic quoque XXV. 2. λογος & μυθουματα ita jungit ut idem significare videantur. Neque XVII. 5, & 10. ulla aptior erit vocis λογου explicatio 67). Huic igitur loco eadem minime abjudicanda est significatio, quum præterea, ut mox videbimus, ipsa artis dramaticæ historia eandem comprobet.

In proœmio dissertationis nostræ jam observavimus, choru[m] tragicum a Baccho ejusque factis celebrandis aliquando semet ad alias res convertisse, ideoque alias mythologicas vel historicas fabulas tractasse; verum quia a præsentibus tantum audiebantur, ut narratæ, non vero, actæ, videbantur, fabularum dramaticarum non merentur nomen; fabula enim dramatica sine actione cogitari nequit 68). Choru[m] vero non egisse fabulas inde patet, quod expressis verbis dicatur, non unum aliquem de choro, sed alium quendam histrionis partibus

65) cfr. CREUZER, *die historische Kunst der Griechen* p. 173. sqq.

66) h. l. pro HERMANNI Λογος η μυθος GRAEFENHAN aliam dedit lectionem: λογος και μυθος, quod eodem redit. Simili enim modo alibi quoque Philosophus jungit nomina ejusdem omnino significationis, e. gr. VI. 16. μυθον και συστασιν πρεγματων.

67) HERMANNUS vertit: "argumenta dramatum ab historia accepta," l. c. p. 159. cfr. CREUZER, l. c. p. 177. ubi multifarias vocis λογου significationes recenset.

68) ARIST. Poët. VI. 14. ανεν μεν πρεξεως ουκ αν γενοιτο τραγῳδια  
cfr. VI. 2, VII. 2. item A. W. v. Schlegel, l. c. p. 34.

bus fundaturum processisse ad fabulam agendam 69). Quod tamen non ita accipiendum, quasi omnem abjudicaremus choro actionem; fuerit vero illa talis, qualem rhapsodorum (qui quoque nominantur *τῶι επωνύμοις ὑποκρίται* 70) & oratorum actionem cogitamus, inter quam & actionem dramaticam maximam utique esse differentiam nemini non patet 71). De cetero ipsa fabulæ expositio non erat summus chori scopus, sed eadem tantum utebatur ad herois laudes celebrandas, cuius causa festum erat institutum.

Neque THESPIDIS vel tragicorum hunc proxime sequentium tragœdiis, hoc respectu, multum tribuere possumus; easdem enim brevibus fabulis constituisse, jure ex hisce ARISTOTELIS

69) Θεσπίς ἐναὶ ὑποκρίτην εζευγε ὑπερ του διαγνωσθεισ τοι χορον. Diog. LAERT. Vit. Plat. L. III. f. 56.

70) cfr. F. A. WOLF, *Prolegg. ad Homerum*, p. XCVI. Eodem quoque sensu LIBANIUS in vita *Demosthenis* elocutionem rhetorica appellat *ὑποκρίσιν*.

71) ENGEL, l. c. Th. II. p. 147. In der Erzählung tritt nur eine Person auf, die für den gegenwärtigen Augenblick Musse hat; die schon vor der Mittheilung ihre Ideen empfing, ausbildete, nährte; - - - im Drama erscheinen Personen, die sich in wirklicher gegenwärtiger Unruhe befinden; Personen, die ihre Gefühle selbst im Augenblicke des Entstehens mittheilen; - - - In der Erzählung hören wir einen Zeugen, der schon die Begebenheiten nach allen ihren Folgen übersieht - - - dieser darf, als Zeuge, der sich mehr der Sachen als der Worte erinnert, ihnen seine eigene Ausdrücke leihen, und ihrer Sprache nur den Ton der jedesmaligen Hauptempfindung geben. Im Drama hören wir die Personen selbst, für die nur die Gegenwart wirklich und die Zukunft noch Zukunft ist; cet, cfr. ibid. p. 110.

LIS colligas verbis 72): *ετι δε το μεγεθος εκ μηρων μυθων και λεξεων γελοιας, δια το εκ σατυριου μεταβαλειν, οψε απεσεμνωδη.* Atque jure quoque, qui harum tragœdiarum naturam optimè perspexisse videtur RAMBACHIUS, monet 73): "Man bediente sich nicht mehr (de tempore Aeschyli & Sophoclis loquitur) der kleinen Stücke, die ehedem in Ansehung ihres Inhaltes niedrig, und in Ansehung ihrer Dauer sehr kurz waren, weil anfänglich, so oft der Chor stillschwieg, eine neue Fabel erzählt wurde."

His autem fabellis antiquis (*μινχοις μυθοις*) ARISTOTELEM quoque adnumerare tragedias PHRYNICHI ex eo apparet, quod simul l. c. observet, metrum sero e tetrametro in jambicum esse mutatum, e SUIDA vero constet, tetrametros trochaicos a PHRYNICO inventos fuisse, quin &, alio loco, PHRYNICHUM memorans, querat: *δια τι οι περι Φρυνίχον μαλλον ησαν μελοποιοι,* respondeatque: *δια το πολλαπλασια εναν τοτε τα μελη των μετρων εν ταις τραγῳδιαις* 74). Plurima igitur pars tragœdiarum PHRYNICHI lyrica fuit, quemadmodum neque ipse alia quadam re inclitus, nisi saltationibus & canticis, quorum suavitas & gratia memorantur 75). Quamvis etenim

auctor

72) IV. 17. — Ingeniose quidem SCHNEIDERUS l. c. p. 56 sqq. & PLUTARCHI *Vita Solon.* 29 & 30, atque Diog. LAERT. I. 59, 60. conjicit, Thespidem, representando Ulysem, meruisse reprehensionem Solonis; sed nulli dubitamus cum BENTLEIO & THIERSCHIO statuere "veri Thespidis fabulas satyricas omnes, i. e. iis res Bacchi comprehensas fuisse." Verba sunt BENTLEII, *Diss. Phalar.* p. 284.

73) *Zus. zu Potter*, T. III. p. 664.

74) *Probl.* XIX. 31, quem quidem locum tali modo a BENTLEIO, *Diss. Phalar.* p. 145. emendatum excitavit HERMANNUS, l. c. p. 108.

75) *Testimonia veterum pro hac re habes apud SCHNEID.* l. c. p. 81. sqq. efr. HERM. l. c. p. 108, ubi verba ita audiunt: "In hujus

auctor sit PLUTARCHUS 76), PHRYNICHUM atque AESCHYLOM fuisse primos, qui heroum *μυθούς καὶ παθη* in consuetudinem scenæ introduxerint; valde tamen is erraret, qui crederet hoc de utroque pariter valere. Nam ex iis, quæ supra attulimus, clarissime patere speramus, fabulam in tragœdiis PHRYNICHI minime primarium occupasse locum; unde &, quia fabulæ dramaticæ primum atque præcipuum est, ut actionem repræsentet, PHRYNICHUS vero nondum adhibuerat secundum aucto-rem, necesse est, ut dictum PLUTARCHI restringamus; quod & ulterius ex ipsa Philosophi nostri theoria elucet. Tragœdiae enim fabula, si bona erit, necessario implicata esse debet 77), quod vero fieri non potest, nisi obveniant *περιπτέταις* & *αναγγωγῖσσαι* 78), quarum illæ quidem rarissime, hæ num-quam fere nisi duobus auctoribus repræsentari posunt. Hinc mirum non videbitur, quod ARISTOTELES in hoc libro, neque THESPIDIS, neque ceterorum tragicorum, AESCHYLO priorum, mentionem faciat; putavit enim, veræ tragœdiae (cujus, ut ait 79), *αρχη καὶ οἰον ψυχη ὁ μυθος*, qui quidem *μυθος* ipsi est *συνθεσις I. συστάσις τῶν πραγμάτων vel πραξεως μηδησις* 80) originem non nisi ab Aeschyllo esse ducendam.

D

Ad

(Phrynichi) quidem tragœdiis, chorum partes suas, easque præci-pias habuisse, dubitari non potest.”

76) *Sympos. I. 1.*

77) *Poët. XIII. 2.*

78) ib. X. 5.

79) ib. VI. 20.

80) ib. VI. 8, VIII. 4.

Ad PRATINAM vero (a quo HERMANNUS statuit quintam tragœdiæ mutationem profectam) CHOERILUM & CARCINUM quod attinet, satis habemus, lectores ad eundem HERMANNUM & SCHNEIDERUM delegare, qui docent, PRATINAM invenisse fabulas satyricas, diversas scilicet ab iis primariis satyris, e quibus enata fuit tragœdia; intercedente præterea sine dubio eadem ratione inter satyras PRATINÆ atque eas, quæ a tragicis posterioribus exhibebantur, ac inter tragœdias PHRYNICHU & Aeschyleas, Sophocleas, &c. Optime vero appetet, quales fuerint fabulæ horum tragicorum, ex ATHENÆO, qui de iis haec habet 81): Φασι δε και ὅτι οἱ αρχαῖοι ποιῶσι Θεοττικούς, Πρατινάς, Καρκίνος (sic pro Κερατίνος emendavit BENTLEIUS) Φρυνίχος σεχνιττοῖς ταλαιπότε διὰ τὸ δέματα αὐτῶν αναρρέει εἰς σεχνητοῦ του χοροῦ. Saltatoria igitur potissimum fuit hæc tragœdia, utpote in qua primas necessario partes sustinuit chorus, cuius vero saltationes ceterumque negotium minuendo AESCHYLUS, ut supra observavimus, fabulæ paravit locum.

His omnibus rationibus permoti, non dubitamus cum JACOBSSIO 82) statuere, omnem tragœdiam ante AESCHYLU haud longe a narratione, chori cantis intermixta, atque gestibus mimicis sublevata, distitisse. Quamvis etenim & apud Aeschylum chori carmina potiorem constituant tragœdiarum partem quod ad longitudinem, sunt tamen ita cum ipsa actione atque fabula

81) p. 22. ed. Casaub.

82) l. c. p. 416. Obgleich fast kein Griechisches Trauerspiel ist, in welchem nicht ein Theil der Handlung in Erzählung übergehet, so ist es doch in den Werken des Aeschylus ganz augenscheinlich, dass er zunächst auf die Zeiten gefolgt ist, in denen die ganze Tragödie nicht viel mehr als eine Erzählung, und wo der Zuschauer an diese Form vorzüglich gewöhnt war, cfr. ib. p. 395.

fabula connexa & conjuncta, ut, si a loco suo amota fuerint, ægre intelligantur 85), quod multo aliter se habuit in tragœdiis recentiorum 84). Jure igitur de AESCHYLO ARISTOTELIS prædicare potuit, eum tribuisse fabulæ primas partes in tragœdia; adhibitis enim duobus actoribus, eorumque mutua & cum choro instituta confabulatione, que in antiquiori tragœdia nullum habuit locum 85), factum est, ut chorus extra præsens tempus rejectus referretur ad tempus, in quod actio fabulæ incidisse putabatur, mutareturque in socios vel ministros actorum, cum antea parum vel nihil commercii inter se habuisserent 86).

Erit igitur hic sensus verborum ARISTOTELIS: *Aeschylus numerum histriorum ab uno ad duos primus adauxit (sc. ita ut duo simul prodirent in scenam instituerentque colloquium), & chori negotium minuit, & fabulam primariam reddidit partem tragœdie.*

---

83) ib. p. 417, 420.

84) ARIST. de Poët. XVIII. 22.

85) cfr. JACOBS, l. c. p. 402, SCHNEID., l. c. p. 100. — Idem quoque innuere videtur nomen επεισοδίον ("res & persona ad causum non pertinens" vertit HARLES l. c. p. 31), quo appellabatur histrio a THESPIDE inventus ejusque negotium.

86) E præcedentibus clarum, hoc pertinere, quod ex occasione histrionis a THESPIDE introducti profert THIERSCH, l. c. p. 153. "Dadurch wurde auch der Chor, wenn er es noch nicht war, aus der Gegenwart entrückt und in Genosse oder Diener des Auftretenden verwandelt."

